

職方典第九百四卷

吉安府部彙考八

吉安府古蹟考二 墳墓附

通志縣志合載

本府 廬陵縣附郭

古佛母墓在永和市傳爲定光古佛母之墓墓上草四時青翠絕異常墓有碑字模糊不可讀
宋祭酒劉玉墓在永福四十三都上方石門寺後其裔劉子俊劉洙死義俱招魂右附有文隆
子石門阡表 丞相周必大墓在第七都山斗岡上公相國時里人曾崧亦入仕王朝一日
謂崧曰吾嘗念卜靈穴爲骸骨計忽夜夢神人遺珠三斗不知是何祥也崧曰賀公得宅矣吾
里有山斗岡此殆天以授公也 學士胡銓墓在七十五都天梁山 丞相文天祥墓在

淳化鄉鴛湖明弘治戊申奉詔修治 蕭彝翁墓府學講書臺下 元廉訪蕭大登墓下

巷下馬臺 明御史曾鳳韶墓在朱口 尙書周忱墓在縣北五十里 脩撰蕭時中

墓在縣南六十里藤鄧橋 大學士陳文墓在縣北五十里大櫟 尙書王概墓在永新

畫角灘

布政司李昌祺墓在縣北三里

尙書蕭維禎墓在二十七都清源山

布

政司彭烈墓

都御史周孟中墓在縣北三十里

尙書劉宣墓

尙書毛伯溫墓在

眞君瑞華二山之間石碑猶存

副使蕭椿墓在青塘大路旁碑石俱存

通議朱孝莊

墓在宣化鄉馬嶺二十五世孫朱習存附葬於左

侍郎陳儼墓在縣西三十里

泰和縣

秦甘羅墓秦上卿在縣西三十里舊傳甘羅旅寓歿葬於此今呼爲甘羅墓

唐尉遲將軍

墓在縣北十里梔岡背世傳將軍征南海旋軍過此卒葬焉

節度使盧光稠墓盧仕唐爲

節度使墓在越王臺東世傳有盜發之者烏蜂紛出懼而止

衣冠塚駕鶴峯之下唐匡智

上昇遺衣冠葬此

王仙師墓墓側有古杉二株枝幹奇勁

元郎知州墓西溪寺對河

龍洲上元知州郎祐卒於官州人蕭貴翁捐地營葬

劉雲章墓名霖安成人至正間辟地

泰和卒葬珠林蟠溪上楊文貞立石表墓

鄧神童墓在縣東盤古山童名鄧有興生數歲

有異才八歲能背誦九經通春秋大義楊文貞立石表墓道

明尙書劉崧墓在縣十一都

仙槎鄉金相寺右

封學士尹重奐墓在縣雲亭鄉二十二都高龍洞勅葬

尙書蕭暉

墓在縣雲亭鄉二十四都勅葬高壘

尙書尹文和墓勅葬城頭嶺

尙書蕭禎墓在縣

雲亭鄉二十七都

侍郎曾輩墓勅葬周塘

尙書羅文莊墓勅葬桃岡

尙書王文

端墓勅葬中壘

都御史陳鳳梧墓在縣千秋鄉車家田

封侍郎羅用俊墓在縣千秋

鄉天柱岡

曾忠愍墓在縣千秋鄉上總坑

侍郎張達墓勌葬楓山

侍郎龍文墓

勌葬大塘尾

大學士楊文貞墓勌葬楮原

少保陳循墓在縣千秋鄉羅仙塘

侍

郎陳宜墓勌葬夢陂橋

侍郎歐陽恭簡墓勌葬武山

封府尹歐陽誥墓勌葬大園

侍郎歐陽塾墓勌葬官溪嶺

少師蕭鑑墓在縣千秋鄉五十九都

吉水縣

漢長沙王墓在縣北九十里建炎時反卒嘗發之剷地尋丈見石槨皆錮以鐵卒不能起

隋李孝子墓在學宮西有連理樹

南唐元寂禪師墓龍華開山之祖

宋廬陵侯蕭定

墓在縣西五十六都里名故舍

胡延平墓在五十二都白竹塘

洪州通判楊存墓

在中鵠鄉大夫山

大理評事胡夢昱墓在天嶽山白茆坑

格齋王子俊墓在白沙山

背

元劉申齋墓在縣水西渡頭

明邑令錢本中墓在昭慶寺前

戶部尚書周鼎

墓

周叙墓在縣同水鄉

學士解縉墓在一都瀨髮

大學士胡廣墓在天嶽山下

永樂十六年勅葬

侍郎羅汝敬墓在二十一都桃林

尚書廖莊墓在二十四都灘頭

尚書周忱墓在廬陵山前

侍郎錢習禮墓在文昌鄉圓塘

侍講彭教墓在文昌鄉瀧

岡

都御史羅通墓在廬陵縣石鼓塘

都御史張綱墓

都御史熊概墓在縣東鳳

鳳山宣德十一年勅葬前有享堂鳳凰橋江畔神道碑一座少師楊榮撰

方伯彭杰墓在

大山之陽

諡莊介李中墓在同江赤石潭管家坑上天穴

進士劉觀墓在鑑湖

學士劉儼墓在文昌鄉夏朗

尚書毛伯溫墓在郡城北真君山

太僕寺卿曾直墓在

六十二都龍陽岡

狀元羅洪先墓在同江赤石潭

吏部尚書曾同亨墓

祭酒劉

應秋墓在仁壽鄉東槎灘

給事羅大紘墓

左都御史鄒元標墓在白沙

贈吏部

尚書李廷諫墓在仁壽鄉五都松林塘崇禎十四年諭葬

左都御史贈尚書李邦華墓在

仁壽鄉六都鰲山

狀元劉同升墓在文昌鄉夏朗

吏部尙書李日宣墓

侍郎李

元鼎墓

謚簡肅周延墓在同江赤石潭

永豐縣

唐王墓在縣南六十里鷄籠山上宋時占有異氣命掘而破之

鄧將軍墓在縣南鄆嶺下

世傳爲五代時彭玕將姓鄆氏葬於此

南唐曹國夫人墓在西坊嘉應廟後世傳爲徐侍

郎夫人之墓嘗有耕夫入其中見其堂奧如人居焉

宋歐陽太師墓在沙溪瀧岡葬文忠

公之父崇公并母鄭夫人

教授羅開禮墓

明侍郎曾棨墓

御史鍾同墓

修

撰羅倫墓在栗園

尙書聶豹墓在五都仙女堂

大理寺卿宋儀望墓在二十四都

安福縣

漢歐寶墓在縣南二十里寶永豐人性至孝嘗廬墓里人捕虎虎投其廬以衣覆之得脫後每

月虎致鹿助祭人以爲孝感云

晉苻表墓在縣南四望岡苻朗兄子也晉太元中表年十

六因母疾而殞

桓修墓在縣南五十里晉元興中桓元篡位以弟修爲安成郡王卒葬於

是 宋彭成王義康墓在縣南南史云元嘉二十二年免義康爲庶人徙安成二十八年賜

死以侯禮葬安福縣南故壟尙存 唐婺婦墓在縣東六里婦獨居無鄰以禮自守死葬於

此舊志謂之獨母墓 安成令劉像墓在密湖白馬峯 南唐周廣墓在縣東三十里南

唐後主李昱以梅花公主妻廣封柳國公以疾終賜歸葬於此今其地復有梅花公主墓

宋王庭珪墓在城北 王炎午墓在汶原六石湖上 明李時勉墓在東鄉黃牛嶺

彭時墓在城南洞虛觀後 劉球墓在西鄉徐潭上 劉實墓在東鄉 彭華墓在縣

北鄉智溪勅葬 張洪墓在十都官原山 趙敏墓在北鄉清溪 張敷華墓在洪陂

山 鄒守益墓在北鄉小嶺 彭簪墓在灌橋 劉陽墓在福車真武山 劉文敏

墓在三舍水口山 劉邦采墓在三舍石龜崖 劉臺墓在谷口源

龍泉縣

南唐柴節度使墓在三十二都羅團周顯德中世宗族人柴克真仕南唐爲袁州刺史徙洪州

節度使死葬於此 宋龔神祖墓在縣南五十里田垌 孝子王珠墓

萬安縣

孝子李潮玉墓

縣尉葉之茂墓

尙書劉廣衡墓

以上俱按府志所載至朝代地名未詳

永新縣

唐姚崇母墓在縣東三十五步舊學前左

牛僧孺母墓在縣西南三十里岐田峯巒拱揖

宛如侍衛曲澗流波縈迴數折而出

馬王墳在縣北四十里鍾溪不詳所自出世傳五代

時馬殷祖葬焉

南唐鄱陽侯尹濯墓在侯寓宅後明隆慶間裔孫尙書臺爲築墓道立祠

縣令賀憑墓在縣西九十里

大理卿蕭儼墓在禾山下

張德廣墓距縣南六十里勝

業鄉金鰲山大學士張治有詩

宋劉楚公沆墓在縣北七里呂惠卿撰神道碑有仁宗御

製輓詩碑

顏詡妻孔氏墓在縣北八都溫塘

刺史張鋼墓在縣北十里周益公必大

撰墓表

給事李鈞祖墓在五都金盆形龍來三台峯

提舉龍雲從墓

明謚文安

劉定之墓在縣北五里成化戊子勅建

右都御史劉敷墓在義山上天嶺下弘治八年奉

勅營建

鹽運使劉夢詩墓在本都國中博鳳形

王槩墓在書角

永寧縣

無考

吉安府部藝文一

廬陵縣令廳壁記

唐皇甫湜

在易之爻二與四同功其善不同二多譽四多懼四之多懼以近君也今州之近縣當刺史理所其難爲與支縣相百倍矣哉廬陵戶餘二萬有地三百餘里駢山貫江扼嶺之衝材竹鐵石之贍殖苞篚緯緝之富聚土沃多稼散粒荆揚故官人率以貪敗令日兩趨州衙退祇承錄判將校事之紛錯率相關臨煩言易生凡事專難故愈不理近年百姓創罷徵賦發斷其人益訛處險易以亡匿尤輕犯禁夫以不專之理理益訛之俗承積弊之餘雖使冉季將不能也今清河張君環爲之理適得良二千石俾顯其政而展其材居未再稔最於一郡張君恂恂以奉上煦煦以字民剏煩決劇以通敏彈豪糾黠以沉斷清白之操較然絕類便安之謠流而遠聞宜舉其卓卓以敦且勸縣之故習令將之邑佐發斂盛饗繕具車航千里迎拜君以讓却之單艇之官則吏皆廉縣之故習令始至取官羨物益備器用團鄉次役以供芻粟君以法喻之一切禁絕則民知恥布其大信推以至誠促嚴吏家

以懋民戶故秋夏之稅先期而集宥過以容不逮獎能以勸不修爲魁而萃頑者取一以警百故政刑之簡期月而治以俸錢葬枯而恩浹以家飲救渴而澤均夢合兄弟之析居者而民以養廢復老弱之流庸者而疆以實和氣潛通連歲大穰廷延閑閑似密與蒲余旣堙厄斥置於此始來而弘農楊君敬之具爲余話君美談旣接益久得實其間乃刻山石饒廳壁盛之以觀永久

吉州三秀亭記

宋黃庭堅

廬陵比缺守輒以他吏攝承託宿轉舍吏胥視民爲俎豆執鞭者衆羊失其牧歲歲仍饑饉夜有柝鼓不治聲聞京師元豐六年春詔用壽春魏侯魏侯有家法以吏能名一世至則引見官吏問敝所先下書教民諭以苦語獎拔才能昭勸不勉戒敕宿負聽以功除按行州左右曹三獄累械至三百餘決其得情引歷釋其點染攀牽唯上請須報達逮證左與繫輕而捕重者乃付有司其所裁遣蓋去三分之二人氣以和下車之十二日芝草二本產於州院獄門之東其後得一本於郡齋便坐之室而最盛於西峯僧舍之秀野亭一月之間凡產芝二十餘磊落權奇人物象成最後寺僧來獻黃芝異本同穎黃者慶色異本同穎者不爭之祥今郡侯樂土愛民天澤優渥五穀順成盜賊其將

襄惠健訟之民且化爲慈祥弟友魏侯亦將鴻漸於臺省以受福民之慶則靈芝之生不獨爲祥瑞魏侯因改秀野亭以爲三秀屬豫章黃庭堅記之魏侯名綸字君俞其歲之六月甲戌記

凝翠亭記

明趙進美

廬陵俯臨大江不乏曠遠綿邈之觀所稱實以幽者則惟青原有之青原淨居寺門南數十武舊有亭曰凝翠絕壁錯繡怒立其前素漪鳴湍浸於階下予過其地顧而樂之而亭之亡久矣於是命工因故址築亭於上亭左右有橋二株輔以美箭百竿開徑疏蹊爰治蕪蔓地愈以幽而流峙之勝若加於昔亭之稱則仍故名不忘始也因憶歐陽文忠公詣居滌作亭於瑯琊其時年甫四十而自號曰醉翁予少時竊疑之公豈逃於酒而以遷謫爲遲暮者乎今而後乃知古人之意不相遠也夫簡法令忘形勢蠲恩斂氣與時消息無喜事競物之心深居吏民信出遊賓朋歡杖履山水之間坐石聽泉頽然自放是皆成其爲翁而已予生平不敢望公萬一而此亭之成年亦適四十廬陵又公之鄉也昔賢以孟氏配禹孟之後僅得韓韓之後僅得公公之高遠不可學而至學其所能爲者若此然亦不可謂非善學公者矣

春浮園記

蕭士瑋

余世家柳溪楊文貞貽先宗伯有溪影入簾春雨足之句余園去柳溪可二百武背市負郭便耕釣之樂而無鳴吠之警結屋數椽以畜妻子左帶平原水木幽茂蟬鳴鳥呼頗類山谷折而北爲公安亭亭古檀地也霜雪之所磨憂風雨之所剝蝕虬枝鐵幹俱已蕩爲冷風烟雲亭獨巖然若魯之靈光每婆娑其下令人有遺世之想焉稍前則金粟堂老桂叢生其中其東有廊臨芙蓉池清露晨流荷香細細倚笑臨風致足樂也從此走嬋娟逕逕瀟湖修竹數畝便娟可愛因取孟東野竹嬋娟以名之逕窮有洲如月望遠樹如薺上則杯山矣山半峙湖中從湖視山如杯從山視湖還如螺泛泛於盆中也陟其巔魚游樹杪人行鏡中樹影俱從中流而見走山麓則聽鶯弄也弱肌欲眠嬌喉宛轉雜以絲竹便欲臥耳弄北有橋橋可百武目力所際波遙似岸岸外固湖也每風發水橫鳥難徑度輒擇邊而飛橋最宜月秋澄輪滿迫以驚湍勢不能員泠泠有聲其被於地人以爲霜也從林而落風斯瀾矣竟無月焉者久之得山焉曳如練光漸移過樹乃知是月也月竟小矣橋之南古柏林立皆宋元物也自此數百武叢篁夾路時避時就輒與人易其藏一丘于曲折之中生宿雲墩也古

藤壽樟屯雲宿霧薰風徐來輒爲所留久之乃得去故雖暑月益懷霜氣去墩數十武植緋桃百株紅妝臨水嫣然可愛稍前則走愚山道也疊嶂夾天角立競出長江一線時見樹杪帆影千章半落酒杯碧如湖外草色如烟白在山腰雲容似帶谷出其足與水爭地水嚙其趾撥爾而怒挾以罡風勢恆欲墮遊者縱饒勝情亦難穩坐旁攀一山往來水上朝似東行暮欲西徙衝寒梅放香聞十里者浮山也山空無人花自開落參差遠樹微露綺疏是爲秋聲閣矣閣旁種玉蘭西府海棠之類太眞露醉午睡初足虢國承恩平明澹掃憑欄靜對不惟忘憂可以忘老至於四時之變亦略可言門掩黃昏數陣香雪淚濕臙脂幾番紅雨一往深情幽閨無賴若夫木葉微脫寒鴉數點山氣夕佳歸飛千翼蕭條高寄斯固幽人之微致矣兼以夏之日冬之夜闔扉晝酣暮聲松間月明林下美人忽來雖暄淒頗異而爲歡略同又況氣候變於昏旦丘壑殊其陰晴自非身習鮮不河漢橫舟而渡林木翳然者蕭齋也齋旁亦結小閣東望瑤山王子年上昇之所也北眺斌姥陶皮二仙丹竈在焉余少有輕舉之志長而知天上至尊檢校最勤酬接甚勞縱獲難老性亦不耐又情幽斯鈍想明斯聰仰箭射空勢盡還墜熠熠清擾徒自苦耳何如水邊林下得以澄懷觀道故一丘雖小備極登臨之

巧者蓋欲終老於其中也山南數百武列植木樨芳烈撲人鼻久成勞拾級而登一樹一臺前帶平湖後枕古樹遊人至此足力倦差可少憩矣臺南古樹百章孫枝旁柯咸可蔽牛日月至此輒相隱避光如雨點自枝間墮微風鱗鱗時碧時白如千尺霧縠布地上也每高天流火揮汗成漿累徙不如意纔入其中便想衣裘茗柯田田綴以寒花綽約冰雪微聞香澤水仙差堪作婢耳過此卽還公安亭道也余園居多暇涉筆識此大約如郭忠恕寫天外遠山澹澹數峯聊自怡耳安得吳道子一日之功李師訓數年之力以盡余園之致也春浮主人曰昔魏公子無忌奪符臥內椎晉鄙軍西卻強秦北存弱趙志意亦大豪矣及功成身疑進退失據日飲醇酒弄婦人以消耗其雄心烈士莫年大致然也若夫情之所至一往而深遵途而騁窮轍而嘆蘭亭金谷達人之勝概也而痛性命之不能感凋落之無期逸少云欣於所遇快然自足及所之既倦情隨事遷感慨係之矣桑葉落而長年悲其亦有大不得已者以奪其任生之情者乎余年來壯心已盡深情猶存一丘一壑聊以極余情之所至耳嗟乎情非我能忘之也送君者皆自厓而返水窮山盡行興自銷耳亦有戰勝而肥爲余不知者乎東風至而酒湛溢其中氣已薄矣夫固不及情者矣

吉安府部藝文二 詩

過廬陵王墓下作

宋謝靈運

曉月發雲陽落日次朱方含悽泛廣川灑淚眺連岡
眷言懷君子沈痛結中腸道消結憤懣運開甲
悲涼神期常若存德音初不忘徂謝易永久松柏森已行
巡州協心許楚老惜蘭房解劍竟何及撫
墳徒自傷平生疑若人通蔽互相妨理感深情慟定非識
所將脆促良可哀天枉特兼常一隨往化
滅安用空名揚舉聲泣已漉長嘆不成章

別范安成

沈休文

平生少年日分手易前期及爾同衰暮非復別離時
忽言一樽酒明日難重持夢中不識路何以慰
相思

送梁郎中赴吉州

唐劉長卿

渺渺雲山去幾重依依獨聽廣陵鐘明朝借問南來客
五馬雙旌何處逢

自豫章還曲江經廬陵

張九齡

歸去南江水磷磷見底清轉逢空闊處聊繫去留情浦樹遙如待江鷗近若迎山川別有趣況乃濯
吾纓

玉山館

張籍

長沙新雨色如泥野水陰雲盡向西楚客天涯行已遠山山時聽鷓鴣啼

陪丁元珍遊東山寺

宋歐陽修

幕府文書日已稀清尊歲晏喜相攜寒山帶郭穿松路瘦馬尋春踏雪泥翠蘿蒼崖森古木綠蘿盤
石暗深溪爲貪賞物來猶早迎臘梅花吐未齊

題萬安黃公灘

蘇軾

七千里外二毛人十八灘頭一葉身山憶喜歡勞遠夢地名惶恐泣孤臣長風送客添帆腹積雨浮
舟滅石鱗便合與官充水手此生何止略知津

題吉州慈恩寺神運塔

黃庭堅

十二觀音無正面誰令塔戶向東開定知四梵神通力曾借六丁風雨推蠅說冰霜如夢寐鷓鴣聞鐘

鼓亦驚猜從今不信維摩結斷取三千世界來

題海覺寺

前人

爐烟鬱鬱水沉肥水遶僧牀竹遶溪一段新蟬思高柳夕陽元在綠陰西

青原寺二首

文天祥

鐘魚閒日月竹樹老風烟一徑溪流滿四山天影圓無言都是趣有想便成緣夢破啼猿雨開元六百年
空庭橫蟬竦斷碣偃龍蛇活火參禪筍清泉透佛茶晚鐘何處雨春水滿城花夜影燈前客
江西七祖家

題歐陽文忠公祠

元虞集

知公難遇已當年況復瀧岡十世阡金石舊文藏劫火丹青遺廟祀鄉賢終身未必慙韓愈作者誰
將繼馬遷鳴鳥不聞驚歲晏長淮清潁一茫然

石壁湖

明楊士奇

危石翠如削影清澄湖波六月不知暑香風生芰荷